

Pepa o Faamatalaga o Avanoa mo le totogiina o aitalafu

O le totogiina o le aofaiga sa'o o le lafoga e tusa ai ma le tulafono, o se vaega tāua lea i matāfaioi a tagata uma. O tupe maua o lo'o aoina mai lafoga, o loo fa'atupeina ai galuega faatino a le Malo e aofia ai ma auaunaga lautele, o falema'i ma faleaoga.

O lenei pepa o fa'amatalaga ua fa'amatalaina ai nisi o avanoa mo oe pe afai o lo'o e nofo aitalafu i le Matagaluega mo Tupe Maua.

Fai se fuafuaga ao le'i mae'a le taimi fa'atulafonoina

Afai e te silafia e le mafai ona e totogiina le aofaiga atoa o au lafoga i le taimi fa'atulafonoina, fa'amolemole fa'afeso'otai mai le Matagaluega i se taimi vave. O le vave fa'afeso'otai mai e ono mafai ai ona tu'usaunoina lafoga fa'aopopo o fa'asalaga i le tuana'i ai o le aso fa'atulafonoina. E mafai ona e totogiina pe amata togitogi mai au lafoga i soo se taimi ao lei tuana'i le aso e fa'agataina ai. Feso'otai mai (taga'i i numera o telefoni o lo'o taua), ona mafai lea ona fa'atalanoaina ma soālaupule nisi auala talafeagai mo le totogiina o au aitalafu.

Pe afai ua tuana'i aso fa'atulafonoina

1. Totogi atoa

O le avanoa muamua o le iloiloaina lea pe mafai ona e totogiina atoa le aitalafu. O au aitalafu tuua o le a fa'aopopo iai fa'asalaga totogi ona o le tuai ona totogi. Afai foi o oe o se *tagata faipisinisi* e i ai *tagata faigaluega* e totogi lafoga (PAYE), e ono fa'aopoopoina foi ni fa'asalaga pe afai o ia aitalafu tu'ua o ni aitalafu mo PAYE e te le'i totogiina mai.

E iai itu lelei o lou sailia o nisi avanoa e maua ai se tupe e totogiina ai au aitalafu o lafoga tuua, pe a mafai. O nisi o ia avanoa e faatupeina ai le aofai atoa o lau aitalafu o lafoga tuua e aofia ai:

- tupe teu i le faletupe - e pei o teugatupe fa'avaitaimi
- lou agava'a i se nonōgatupe ma le toe totogiina
- tupe maua mai aseta---e pei o maliega tau inisiua, fale, ta'avale, ma aseta o pisinisi
- tupe faa-aitalafu mo galuega masani (overdraft)
aitalafu faavaitaimi e faaogaina se credit card

2. Tu'utu'uga mo lafoga totogi auaua'i

Afai e le mafai ona fa'atinoina le totogi atoa o lafoga, e mafai foi ona tapā se maliega mo le totogiina o au aitalafu i lona aofaiga atoa i se taimi mulimuli po'o le togitogi mai foi fa'avaitaimi. E mafai ona talosagaina se maliega mo le totogi auaua'i o au lafoga tuua i so'o se taimi.

Ua i ai foi nisi o mataupu ua mafai lava ona faia maliega e auala mai i le imeli. Afai matou te manaomia ni faamatalaga faaopopo mai ia te oe, o le a lē mafai ona afaina oe i se fa'asalaga fa'aopopo i se taimi fa'atulagaina e talia ai le tu'uina mai o nei fa'amatalaga.

Afai e faatino se feagaiga ma oe mo le totogi auaua'i o aitalafu ina ua tuana'i le aso sa faagata ai le totogiina o lau aitalafu, e mo'omia lou sainia o lenei feagaiga ma le Matagaluega. Afai e totogiina le aofaiga atoa e pei ona aiaia i le feagaiga, o le a le fa'aopoopoina iai se nisi fa'asalaga. Ae afai o le a lē ausia se maliega i se feagaiga mo le totogi auaua'i o au aitalafu, o le a faapea ona tumau faasalaga e amata mai i le aso na atofaina fa'atulafonoina e tatau ai ona totogiina atoa le lafoga. O le a tusi atu le Matagaluega e fa'ailoa atu fa'amaoniga o tu'utu'uga o soo se feagaiga e osia ma oe i lafoga totogi auaua'i.

Afai e leai sau gaoiga e fai

Afai e te le totogiina mai lau aitalafu ae ua mae'a le aso fa'atapula'aina, ma e leai foi se feso'otaiga ma le Matagaluega, o le ā matou aoina mai pea lau aitalafu i ni isi auala. E mafai e le Matagaluega ona:

- toese mai se Vaega tupe mai lou todogi, teugatupe i fale tupe po'o i latou o lo'o umiaina au teuga tupe (afai o le ā fa'atinoina lenei tulaga, o le ā tu'uina atu foi ia te oe se kopi o se tusi e auina sa'o atu i le fale tupe po'o lē o lo'o fa'afaigaluegaina oe.)
- aveseina o au meatotino
- fa'agasolo gaioiga fa'aletulafono e ono gau ai pe faatauina atoa ai lau pisinisi
- fa'agasolo gaioiga fa'aletulafono mo le molia o oe ona o pepa o lafoga e lei faaooina mai i le ofisa e tusa ai ma le tulafono - e ono oo lava i se faasalaga mai le Fa'amasinoga
- Moliaina o oe mo le todogiina o le tau o le fa'amasinoga ma nisi fa'asalaga tau tupe e afua mai i le aoina o aitalafu
- tulai i luma o le fa'amasinoga ma o le ā mafai foi ona fa'alauiloaina lou suafa i luga o le Savali.

Afai e te teena le aofa'iga o lo'o tu'uina atu e todogiina mai;

Afai ua e taulimaina se pepa o fa'amatalaga o se aofaiga atoa o lau aitalafu o lo'o i ai po'o se tusi ua tu'uina atu mo le todogiina mai o se paleni todogiina ae e te silafia e lē sa'o fa'amolemole fa'afeso'otai vave mai.

Fa'ai'uga ua faia ona o le fa'atalalē i Pepa Fa'atumu

Afai ua poloa'ina oe e tusa ai ma le tu'uina mai o au pepa fa'atumu ae lei auina mai lava, o le ā fuafuaina e le Komesina se lafoga e te todogiina mai. Ua fa'aigoaina lea o se lafoga fuafuaina ona ole fa'atalalē i pepa faatumu, ma e tatau lava ona todogiina mai lea lafoga. E tumau lea faa'iuga se'iloga ua tu'uina mai totonu au pepa fa'atumu o lafoga. E mafai ona o'o lau mataupu i le vaega e ona aveina ai oe i le fa'amasinoga pe ā lē tuuina mai pepa fa'atumu o lafoga ma le le todogiina mai o lafoga fuafuaina.

Fa'asalaga

E iai le fa'asalaga o le tuai ona todogiina mai.

Lafoga i luga o tupe maua ma lafoga i luga o todogi o tagata faigaluega

E 10% le fa'asalaga e tu'uina atu, pe ā mae'a le aso fa'atapula'aina. A tuana'i le ono masina mai le aso faatapulaaina e lei todogiina lava le lafoga (ma ni faasalaga) o le a toe tu'uina atu le isi faasalaga e 20% fa'aopopo i luga o le aofaiga o lafoga o totoe e le'i mae'a le todogiina ma le faasalaga muamua.

VAGST: (Lafoga o Oloa ma Galuega Fa'atino i luga o Aofaiga o Tau)

E 10% le fa'asalaga e tu'uina atu, pe ā mae'a le aso fa'atapula'aina. Afai e mae'a le masina e tasi pe ā tuana'i le aso fa'atapula'aina e le'i todogiina mai lava se Vaega o le aitalafu, o le ā i ai le isi 2% fa'aopopo i luga o lau aitalafu. E iai le isi 2% fa'aopopo i luga o le aofaiga o lafoga e le'i todogiina pe a mae'a masina ta'itasi e mulimuli mai.

Fa'aleaogaina o fa'asalaga

E mafai e le Komesina, ona o ni mafuaaga ogaoga, ona faamatuuese se fa'asalaga todogiina e tusa ai ma ala o le tulafono. O le faamatuuese o se faasalaga e le Komesina, o lona uiga ua faamatuuese faale-tulafono ma e le toe todogiina lava. E tatau ona faaooina mai se tusi talosaga tusitusia mo le faamatuuese o ni faasalaga ma faamatalaina mai ai ni mafuaaga talafeagai mo lau talosaga mo le faamatuuese o faasalaga.

Fa'afeso'otai mai

E mafai ona feso'otai mai le Ofisa i le itula e 9am i le taeao agai i le 5pm i le afiafi mai le Aso Gafua e o'o atu i le Aso Faraile i numera nei:

Lafoga ua mae'a le aso fa'atulafonoina, pepa fa'atumu po'o auunaga i laisene pisinisi: telefoni 20411 laina 261 po'o le 267.

So'o se mataupu fa'apisinisi: telefoni 20411 laina 247

Po'o le fa'aaoga mai o le upega tafa'ilagi: collections@revenue.gov.ws

Tuātusi: Matagaluega Tupe Maua
Pusa Meli 1877
APIA